

MĒDĒA

Dī conjugālēs ! Tūque, genīālis torī
Lūcīna custōs ! Quæque, domītūram freta,
Tīphyn novam frēnāre docuistī ratem !

4 Et tū, profundī sæve domīnātor maris !

Clārumque Tītān dīvidēns orbī diem !
Tacītisque præbēns cōnscium sacrīs jubar
Hec, a tē trifōrmis ! Quōsque jūrāvit mihi
8 deōs Īāsōn !

Quōsque Mēdēæ magis
fās est precārī : noctis æternæ Chaos !
Āversa sup̄erīs rēgna, mānēsque^e impiōs,
domīnumque rēgnī trīstis, et domīnam fidē
12 melīore raptam, vōce nōn faustā precor !

Nunc, nunc adeste scel̄eris ultrīcēs deæ,
crīnem solūtīs squālīdæ serpentibus,
ātram cruentīs manīb̄us amplexæ facem !
16 Adeste, thalāmīs horridæ quondam meīs
quālēs stetistis ! Conjugī lētum novæ,
lētumque soc̄er^o, et rēgiæ stirpī date !

Num pējus aliquid quod precer spōnsō malum ?
20 Vīvat ! Per urbēs erret ignōtās egēns,
exul, pavēns, invīsus, incertī Laris !
Mē conjug^{em} optet ! Līmen alīen^{um} expetat
jam nōtus hospes ! Quōque nōn alīud queam
24 pējus precārī, līberōs simīlēs patrī
simīlēsque matrī ! Parta jam, part^a ultiō^e st :
peperī...

Querēlās verbaqu^e in cassum serō ?

28 Nōn īb^o in hostēs ? Man_ibus excut_iam facēs
cælōque lūcem !... Spectat hoc nostrī sator
Sōl gen_eris, et spectātur ? Et, curr^ū īnsidēns,
per sol_ita pūrī spat_ia dēcurrit poli ?
Nōn red_it in ortūs et remētitur diem ?

32 Dā, dā per aurās curribus patr_iīs vehī !
Committ^e habēnās, gen_itor, et flāgrantibus
ignif_era lōrīs trib_ue mod_erārī juga !
Gem_inō Corinthos litorⁱ oppōnēns morās
36 cremāta, flammīs mar_ia committat duo !

Hoc restat ūnum : prōnubam thal_amō feram
ut ipsa pīnum ; postque sacrificās precēs,
cædam dicātīs victimās altāribus !
40 Per vīscer^a ipsa, quære supplic_iō viam,
sī vīvis, an_ime ! sī quid antīquī tibi
rem_anet vigōris. Pelle fēmin_eōs metūs,
et inh_ospitālem Caucasum ment^e indue !

44 Quodcumque vīdit Phāsis aut Pontus nefās,
vidēbit Isthmos ! Effer^a, ignōt^a, horrida,
tremenda, cælō par_iter ac terrīs mala
mēns intus ag_itat... vulner^a et cæd^{em} et vagum
48 fūnus per artūs ? Lev_ia mem_orāvī nimis :
hæc virgō fēcī. Grav_ior exurgat dolor !
Mājōra jam mē scel_era post partūs decent.

Accingere irā, tēque in exit_ium parā
52 furōre tōtō ! Par_ia narrentur tua
repud_ia thal_amīs ! Quō virum linquēs modō ?
Hōc quō secūta^e s. Rumpe jam sēgnēs morās :
quæ scel_ere part^a est, scel_ere linquend^a est domus.